



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 11. Navarræ Regis, Condæi Principis, & Montmorentii Ducis scriptum.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

„sæ justæ confisus, cujus defenforem
 „Deum spero, me animis, & viribus
 „adversus meos, & Regis, regnique
 „hostes muniam.,,

Sæcul. XVI.
 A.C. 1585.

§. XI.

*Navarræ Regis, Condæi Principis,
 & Montmorentii Ducis scri-
 ptum.*

Rebus jamjam plane confectis tardius hæ literæ advenerant: unde Navarræ Rex pæctis jam postremam manum esse admotam comperiens, cum Condæo Principe conjurabat, atque ad sua etiam studia Henricum Montmorentium Ducem, Occidaniæ Governatorem, pertrahebat: igitur hi tres die decima Augusti scriptum quoddam confarcinantes illud promulgarunt, in quo trium horum Auctorum nomine refricabatur memoria omnium conjurationum, quas Lotharingii, seu Guisii a tempore Francisci II. ad invadendam summam potentiam, turbandam Regni quietem, & regii sanguinis Principes per calumnias, & falsas criminationes de medio tollendos iniissent, postea autem dissidia ab iis excitata recensebant, necnon unde fuerint exorta, quemque successum tulerint, demonstrabant, multaque in invidiam Guisiorum addebant, ut ostenderent, quibus artibus,

Thuan. &
 Spond. l. c.
 David. ib.
 Mem. pag.
 292.

ac

Sæcul. XVI
A C. 1585.

ac veluti gradibus eo pervenerint, ut pacem, quæ ad instaurandos per armorum licentiam collapsos toto Regno ordines a Rege vix tandem constituta erat, turbarent: insuper affirmabant, quod iidem Regem alienissimo tempore vi ad edictum novum, quo superiora revocabat, faciendum coegerint, neque tamen id Regi, Reginæque Matri imputandum dicunt, cum istorum clementiam, & æquitatem longe ab iis turbis alienam esse constet, sed id adscribendum inquiebant malignitati quorundam, qui ipsos obsident, primosque hos motus artificiose apud eos extenuant, ne Rex necessariis adversus eos remediis se muniret; eapropter Navarrus, Condæus, & Montmorentius addebant, „cum ad nos præcipue, & ratione natalium, & muneris necessitate pertineat, ut Regis, Regni que curam suscipiamus, hinc communi consensu de Lotharingicorum violentia protestamur: de cetero foederis hujus auctores pro Regis, reginæque familiæ, ac regni hostibus habemus, quales eos antea ipsemet Rex declaraverat, diplomate ad regni curias misso, & in iis promulgato, cujus mandatis obtemperantes statuimus, eos tanquam perduelles, ac Patriæ proditores armis persequi, & contra injustam vim „justis

„justis armis nos tueri, eo quod nos op-
 „primere machinentur, si qui vero sunt,
 „qui specioso religionis colore decepti,
 „eorum partes hactenus secuti sunt,
 „modo intra duos menses a protesta-
 „tionis nostræ promulgatione ab armis
 „discedant, & quietos se demi contine-
 „ant, eos uti ceteros Majorum religio-
 „ni addictos, qui factioni minime nomen
 „dederint, in nostrum patrocinium re-
 „cipere parati sumus., Divulgato hoc
 scripto hi Principes bellum parare in-
 tenti secesserunt, & quidem Navarrus
 & Condæus in Aquitaniam, Montmo-
 rentius vero in Occidaniam contende-
 rat.

§. XII.

*Primus Præses, & Mercatorum Præ-
 fectus ante susceptum bellum a
 Rege ad Luparam citati.*

Hoc edicto Parisiis promulgato popu-
 lus hæreticorum excidium immo-
 dico Religionis fervore expetebat, ac
 palam Regem redarguebat, quod se-
 mestris spatium, intra quod Protestan-
 tes regno excederent, eis indulisset:
 horum igitur querelis permotus Rex
 die undecima mensis Augusti Senatus
 Præsides, Præfectum Mercatorum, at-
 que Ecclesiæ Parisiensis Decanum ad
 Luparam evocavit, huicque congressui
 ipsum

Sæcul. XVI.
 A.C. 1585.

Thuan. &
 David l. c.
 Mem. pag.
 292.